

# ELECCIONS ENTATH PARLAMENT DE CATALONHA 2017

## OFICINA DETH CENS ELECTORAU SOLLICITUD DE VÒT PER CORRÈU, (HUELHA AUXILIARA)

Er imprès qu'acompanhe aguesta huelha auxiliara ei eth modèl de sollicitud qu'er elector a d'umplir entà demanar ena Delegacion dera Oficina deth Cens Electoralu corresponenta eth certificat d'inscripcion en Cens Electoralu, d'aguesta manèra, s'inicie eth procediment entà poder emèter eth vòt per corrèu enes eleccions qu'auràn lòc eth **21 de deseme de 2017**.

### Qui pòt votar per corrèu?

Pòden votar per corrèu es electors residents en Catalonha que preveiguen qu'ena data dera votacion non se trobaràn ena localitat a on les correspon exercir eth sòn dret ath vòt.

Es electors residents en estrangèr que se tròben temporaument en Espanha, pòden sollicitar er enviament dera documentacion entath vòt per corrèu tà un domicili en Espanha; entad açò an de complimentar er imprès de sollicitud de vòt per corrèu en tot mercar **X** en apartat "Resident en: ESTRANGÈR".

Tanben pòden votar per corrèu es electors que, per malautia o discapacitat fisica, non poguen anar entath lòc dera votacion.

**Ua còp hèta era sollicitud deth vòt per corrèu, non se pòt votar personaument.**

### Procediment entà votar per corrèu

#### Sollicitud

Era sollicitud l'a de hèr personaument era persona interessada en votar per corrèu. Era sollicitud e era envolòpa de remetuda s'auràn d'adreçar tara província a on figure inscrit en Cens Electoralu.

Sonque en cas de malautia o discapacitat qu'impedisque era formulacion personau –era existència dera quau aurà d'acreditar-se per miei de certificacion medicau oficiau– era sollicitud pòt hèr-la en nòm der/dera elector/a ua persona autorizada notariau o consularament, mejançant un document que s'estienirà individuament en relacion damb cada elector/a e sense que s'i pogue inclúir diuèrsi/es electors/es, ne ua madeisha persona representar a mès d'un/a elector/a. Eth/era elector/a a dret a qu'aguesti documents siguen estienudi de forma **gratuïta**. En aguesti cassi era sollicitud aurà d'èster signada peth representant.

**Era certificacion medicau oficiau e era autorizacion s'auràn d'inclúir ena envolòpa de remetuda amassa damb era sollicitud.**

#### Lòc de presentacion

Era sollicitud complimentada e signada aurà d'èster presentada en quaussevolh **oficina de Corrèus d'Espanha**. Eth/era funcionari/ària encargat/da de receber-la exigirà ara persona interessada era presentacion deth sòn Document Nacionau d'Identitat, passapòrt o permís de conduir e comprovarà era coïncidència dera signatura. En cap de cas se n'admetrà ua fotocòpia.

**Non ei valida era trametuda per corrèu ordinari.**

#### Tèrme entà sollicitar eth vòt per corrèu

Se pòt sollicitar a compdar dera data de convocatòria e enquiath detzau dia anterior ath dera votacion (**11 de deseme de 2017**).

A despiet d'açò, se pensatz exercir eth dret ath vòt per corrèu, non demoretz ath darrer moment. **Hètz era sollicitud çò mès lèu possible.**

#### Trametuda dera documentacion entath vòt per còrreu

Era delegacion provínciau dera Oficina deth Cens Electoralu corresponenta iniciarà era trametuda dera documentacion de besonh entath vòt per corrèu, en supausat que non sigue impugnada era proclamacion de candidats, a compdar deth dia 1 de deseme e abantes deth dia 14 de deseme. Era trametuda se harà en domicili indicat ena sollicitud e a nòm dera persona sollicitanta.

Eth justificant de recepcion acreditatiu d'auer rebut era documentacion nomentada l'a de signar personaument era persona sollicitanta despús d'acreditar era sua identitat.

#### Tèrme entara remetuda deth vòt per corrèu

Auetz de remèter eth vòt per corrèu certificat **non mès tard deth 17 de deseme de 2017**.